

SECRETARÍA XERAL
Xestión de Xuntas de Goberno
2026/G007/000011

D. JOSÉ MARÍA VÁZQUEZ PITA, SECRETARIO XERAL, DO CONCELLO DE ARTEIXO (A CORUÑA)

C E R T I F I C A :

Que pola Xunta de Goberno Local, en sesión Ordinaria celebrada o venres 5 de xuño de 2026, adoptouse, entre outros, o seguinte **ACORDO**:

“09. APROBACIÓN DAS BASES DO CONCURSO FOTOGRÁFICO #LUGARESDEENCONTRO CON MOTIVO DA ELABORACIÓN DO CALENDARIO MUNICIPAL PARA O ANO 2027.-

PROCEDIMENTO.- Convocatoria Subvenciones
Expediente.- 2026/A002/000016
Ref.-

ANTECEDENTES.-

Co obxecto de elaborar o calendario para o ano 2027 que publica anualmente o Concello de Arteixo o Departamento de turismo organiza o Concurso Fotográfico **#LugaresDeEncontro** Calendario 2027. Esta actividade ten como obxectivo fomentar a participación e implicación da cidadanía na elaboración deste calendario mediante o uso de fotografías realizadas pola veciñanza que sexan premiadas a través da convocatoria de un concurso fotográfico.

Visto o informe favorable emitido pola Técnica Municipal, Beatriz García Mollón, en 27/05/2026 e con CVD: 7sKf2MMXqP56pNrRI4Ug, as BASES DO CONCURSO FOTOGRÁFICO **#LUGARESDEENCONTRO CON MOTIVO DA ELABORACIÓN DO CALENDARIO MUNICIPAL PARA O ANO 2027**.

Con este obxecto propónse, a Xunta de Goberno Local a adopción dos seguintes acordos:

PRIMEIRO.- Aprobar as bases para a celebración do mesmo, que son as seguintes:

“BASES

CONCURSO FOTOGRÁFICO #LugaresDeEncontro - CALENDARIO 2027

1. OBXECTO

O Concello de Arteixo, a través da súa Concellería de Turismo convoca o Concurso

Fotográfico **#LugaresDeEncontro**, co obxecto de que as fotografías gañadoras se recollan no Calendario do ano 2027 do Concello.

2. PRAZO DE INSCRICIÓN

O prazo de presentación de fotografías iniciarase ao día seguinte da publicación destas bases na web municipal e rematará o 5 de setembro do 2026 ás 23:59 h.

3. CONDICIÓN E REQUISITOS DE PARTICIPACIÓN

Para poder participar, o usuario debe ser seguidor ou comezar a seguir a páxina de Facebook <https://www.facebook.com/ConcellodeArteixoOficial> ou de Instagram <https://www.instagram.com/concellodearteixo/>

O usuario participará neste Concurso Fotográfico a través da aplicación Easypromos subindo unha fotografía realizada no Concello de Arteixo que represente a temática “Lugares de Encontro”.

As fotografías deberán mostrar espazos de convivencia, reunión ou interacción social do municipio: prazas, rúas, parques, praias, paseos, mercados ou calquera outro lugar que forme parte da vida social da veciñanza.

As imaxes seleccionadas formarán parte do Calendario 2027 editado polo Concello de Arteixo.

- O participante que presente unha fotografía en formato dixital a través da aplicación que non conte ca calidade suficiente para a súa reprodución en papel, deberá contar con esa imaxe en formato físico, e cedela de maneira temporal para o seu escaneo e posterior reprodución no caso de ser seleccionada.

- O arquivo orixinal previo a calquera edición ha de ter un mínimo de resolución de 300 ppp a un tamaño de 300x200.

No serán admitidas capturas de pantalla de fotografías, necesítase a fotografía no seu formato orixinal sendo os formatos admitidos JPEG, PNG ou TIFF.

- A fotografía deberá estar realizada no Concello de Arteixo.

- As fotografías que non cumpran os requisitos anteriormente esixidos non poderán someterse a votación.

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

- A fotografía deberá ser enviada en formato JPEG, PNG ou TIFF a través do formulario ao que se poderá acceder a través da web, Facebook e Instagram do Concello de Arteixo.

- O formulario atoparase dispoñible unha vez se seleccione o botón “Participar” do concurso.

-A persoa participante encherá todos os campos do formulario de participación e todos os datos persoais que se requiran, sendo todos de carácter obrigatorio. Na descrición da imaxe poderá indicarse o lugar onde foi tomada a fotografía e unha breve explicación da súa relación coa temática “Lugares de Encontro”

(Valorarase especialmente a capacidade da fotografía para transmitir convivencia, identidade local e vida comunitaria). A persoa participante proporcionará datos persoais exactos e postos ao día de forma que respondan con veracidade á súa situación actual.

- Quedarán automaticamente fóra de concurso aquelas obras que fosen premiadas con anterioridade noutro concurso ou certame, ou non cumpran o estimado polas presentes bases. Asemade, a organización reservase o dereito de non aceptar fotografías que leven sinatura ou algunha outra marca identificativa.

4. MECÁNICA DO CONCURSO

- O concurso requirirá para a súa celebración un mínimo de 5 participantes, en caso de non alcanzalo suspenderase a súa celebración.

- A votación das imaxes realizarase a través da páxina do concurso e da valoración dun xurado composto por un profesional con coñecementos de historia/patrimonio, un profesional do mundo da fotografía e un profesional do mundo da publicidade.

- A votación comporase do resultado da suma de 4 puntuacións (sendo 48 puntos a máxima puntuación posible):

1ª puntuación: dependerá da votación popular na páxina do concurso.

- A obra máis votada obterá 12 puntos

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

- A segunda obterá 11 puntos
- A terceira obterá 10 puntos
- A cuarta obterá 9 puntos
- A quinta obterá 8 puntos
- A sexta obterá 7 puntos
- A sétima obterá 6 puntos
- A octava obterá 5 puntos
- A novena obterá 4 puntos
- A décima obterá 3 puntos
- A undécima obterá 2 puntos
- A duodécima obterá 1 puntos

2ª puntuación: dependerá da valoración dun profesional con coñecementos de historia/patrimonio, que puntuará 12 obras con 12, 11, 10, 9, 8, 7, 6, 5, 4, 3, 2 e 1 puntos.

3ª puntuación: dependerá da valoración dun profesional relacionado co mundo da fotografía, que puntuará 12 obras con 12, 11, 10, 9, 8, 7, 6, 5, 4, 3, 2 e 1 puntos.

4ª puntuación: dependerá da valoración dun profesional relacionado co mundo da publicidade, que puntuará 12 obras con 12, 11, 10, 9, 8, 7, 6, 5, 4, 3, 2 e 1 puntos.

- Se ningún participante obtén votos (0 votos ao final do concurso), realizarase un sorteo aleatorio a través da plataforma Easypromos entre todos eles para elixir aos 12 gañadores.

- En caso de empate entre varios usuarios coa mesma puntuación, realizarase un sorteo aleatorio a través da plataforma Easypromos entre eles para elixir ao gañador ou gañadores.
- Os nomes dos gañadores comunicaranse a través das contas en redes sociais do Concello de Arteixo, Instagram, Twitter e Facebook nos días seguintes á finalización do concurso.
- Os usuarios que participen e os gañadores aceptan que o seu nome sexa publicado nos soportes que o Concello de Arteixo estime oportunos (redes sociais e web do concello).
- Establécense 4 categorías de premios para as 12 mellores fotografías dotadas coas seguintes contías:
 - 500 € (cincocentos euros) para a foto que máis puntos obteña.
 - 300 € (trescentos euros) para a segunda.
 - 200 € (douscentos euros) para a terceira.
 - 100 € (cen euros) para as nove seguintes clasificadas.

Os premios non serán acumulables en ningún caso. No caso de coincidencia en varios premios, concederáse só o de maior importe.

Os ditos premios estarán suxeitos ás retencións que se determine pola lexislación tributaria vixente e faranse efectivos mediante transferencia bancaria aos premiados.

Con carácter previo ao outorgamento dos premios, comprobarase que os premiados propostos polo xurado están ao corrente das súas obrigas tributarias municipais, estatais e coa seguridade social e non son debedores á facenda municipal polo reintegro de subvencións.

Non poderán obter a condición de premiados as persoas ou entidades nas que concorran as circunstancias que permitan cualificalos como beneficiarios segundo o

disposto no artigo 13 da Lei 38/2003 xeral de subvencións, no artigo 10 da Lei 9/2007 de subvencións de Galicia e demais normativa aplicable.

- Unha vez publicados os nomes dos 12 gañadores, contactarase con eles a través das redes sociais ou dos datos facilitados para facerlles entrega do premio.
- As fotografías gañadoras serán as que conformen o Calendario de Arteixo 2027.
- As fotografías presentadas quedarán en posesión do Concello de Arteixo e poderá utilizalas e reproducilas por calquera medio, sempre citando ao seu autor.
- O xurado resérvase o dereito a declarar os premios desertos, se o estimase oportuno.

5. DATOS PERSOAIS FACILITADOS Á ORGANIZACIÓN

A recollida e tratamento automatizado dos datos persoais, como consecuencia da participación no concurso, ten como única finalidade o correcto desenvolvemento do concurso e a comunicación dos gañadores.

Os datos persoais rexistrados pasarán a un ficheiro propiedade do Concello de Arteixo con domicilio en Praza Alcalde Ramón Dopico, 1, 15142 Arteixo, (A Coruña). O promotor declara que adoptáronse as medidas técnicas e organizativas de protección de datos conforme ao Real Decreto 1720/2007, de 21 de decembro, polo que se aproba o Regulamento de desenvolvemento da Lei Orgánica 15/1999, de 13 de decembro, de protección de datos de carácter persoal, e ao Regulamento (UE) 2016/679 do Parlamento Europeo e do Consello, de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos.

6. PARTICIPACIÓN DOS USUARIOS E RESERVA DE DEREITOS

O Concello de Arteixo resérvase o dereito a descualificar a calquera participante se existe calquera sospeita de uso fraudulento das ferramentas e na forma de participar no concurso. Por este motivo, poderanse tomar as medidas oportunas tales como, bloquear usuarios, descualificar contidos ou usuarios ou calquera outra acción que o Concello de Arteixo estime oportuna.

O Organizador do concurso informa que comprobará a validez dos votos recibidos polos participantes do concurso mediante a ferramenta “Índice de Fraude” desenvolvida por Easypromos. A través desta ferramenta, o Organizador poderá saber, ao finalizar o período de participación, si o participante incorrera en prácticas fraudulentas co fin de obter máis votos. Si o valor do Índice de Fraude da súa participación é igual ou superior ao 100%, o Organizador resérvase o dereito de descualificar ao participante e declarar nula a súa participación.

O Concello de Arteixo resérvase o dereito de modificación e borrado de calquera contido duplicado, erróneo, que se considere fora de contexto ou calquera outro criterio que o Concello de Arteixo crea convinte.

O Concello de Arteixo resérvase o dereito de suspender ou eliminar aquelas achegas ou comentarios que incumpran estas condicións.

A presentación de traballos neste concurso supón a aceptación íntegra das presentes bases. O incumprimento dalgún dos seus apartados levarían implícita a exclusión do concurso da obra presentada. Se as bases fosen modificadas a criterio da organización, comunicaríaselles oportunamente a todas as persoas interesadas.”

SEGUNDO.- Aprobar o gasto de 2.000,00 € con cargo a aplicación orzamentaria 241.48100

TERCEIRO.- Proceder á publicación das bases na BDNS, na páxina web, no Taboeiro de Edictos do Concello e no BOP.

Asdo. dixitalmente.- Patricia Amado Varela

Concelleira de, Contratación, Patrimonio, Turismo e Novas Tecnoloxías.

** Obra no expediente informe de Intervención (CVD: IMJw580507ADckpXQwHX), emitido pola Viceinterventora Municipal, Dna. Luz María Villa Álvarez, en data 29 de maio de 2026 informándose FAVORABLEMENTE a proposta presentada.

Visto o anterior, e considerando que a adopción deste acordo é competencia desta Xunta de Goberno Local en virtude das delegacións efectuadas polo Alcalde deste Concello, mediante decreto 2005/2023 de data 19 de xuño do 2023, a Xunta de Goberno Local, en VOTACIÓN ORDINARIA e por UNANIMIDADE DOS/DAS PRESENTES, acorda prestar aprobación aos acordos transcritos na proposta que se deixa reflectida.”

E para que conste, aos efectos oportunos no expediente da súa razón e en cumprimento do disposto no artigo 3.2 f) do Real Decreto 128/2018, de 16 de

marzo, polo que se regula o réxime xurídico dos funcionarios de Administración Local con habilitación de carácter nacional, e nos artigos 204 e 205 do Regulamento de Organización, Funcionamento e Réxime Xurídico das Entidades Locais expido a presente certificación coa salvedade prevista no artigo 206 do texto regulamentario citado e a reserva dos termos que resulten da aprobación da acta correspondente, de orde e co visto e praxe do Sr. Alcalde Accidental, D. José María Sánchez Novo, por delegación Decreto nº 1494/2026 de 05/06/2026, que se asina dixitalmente en Arteixo por ambos, á data sinalada no documento electrónico, rubricada polo/a funcionario/a tramitador/a.